

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. XI. Ostenditur quo pacto poßit quis sperare alteri beatitudinem.

urn:nbn:de:hbz:466:1-13826

illius ignoriam desperat. Et per hæc patet ad argumenta primæ sententie, quæ tamen contra hanc conclusionem facere videntur.

SECTIO UNDECIMA.

Ostenditur quo pacto posse quis sperare alteri beatitudinem.

I.
Declaratur
sob qua ra-
tione sperare
quis posse
alteri bea-
titudinem.

Ostenditur
qua hac in
parte sit mēs
D. Augusti-
ni.

CONCLUSIO secundā: Si tamen speretur proximo beatitudo, quatenus ratione unionis cum illo, sive ex dilectione, sive propinquitate, vel alio vinculo, est unum moraliter cum sperante, & bonum illius est bonum sperantis, talis actus erit actus Spei Theologicae: Probatur, ejusmodi quippe actus versatur circa Deum quatenus bonum nostrum, saltem mediatae ratione proximi, quia ad nos apprehenditur pertinere, & sub hoc respectu desiderium & Spes ad bonum ipsius terminatur. Nec contrarius est Sanctus Augustinus, qui loco supra citato solūm loquitur, quando nullo modo est bonum sperantis, hic autem licet beatitudo proximorum pertineat ad alios, non tamen sub hoc respectu terminat actum hujus virtutis, sed prout ad nos pertinet ratione unionis cum proximis; per quod patet ad argumentum secundæ sententie in quantum contra nos facere videtur.

II.
Objic. hic
affectus non
videtur Spei,
nec amor
concupiscentia,
sed amici-
tia.

Contra nostram tamen conclusionem objicies primò: Unio cum proximo per amorem potius facit, ut actus, quo illi desidero bonum, non sit Spei, sed Charitatis, seu benevolentiae; patet, nam quia illum amo, tali amore motus, si ut amico ex complacentia ipsius, & consequenter ex benevolentia desidero ei bonum, & non

ex amore concupiscentiae, seu ex complacentia meipius. Respondeo unionem factam per amorem Charitatis duplum considerari posse: potest unius considerari Primo, ut est quidam actus movens ad intendendum proximo bonum propter finem, quem ipse amorem respicit, ex bonitate scilicet illius objecti, & complacentia in eo, & sub hac ratione quæcumque proximo desiderantur, pertinent ad amicitiam, non ad Spem.

Secundò considerari potest unio amoris, non ut movet ad desiderandum bonum proximo proprieter ipsum, sed ut proximum facit ad nos pertinere, sicut facit propinquitas, vel aliud vinculum verbi gratia, & tunc facit, ut velutum illi bona quatenus est aliquid spectans ad nos, & sub hac ratione tale bonum illi desidero, aliter non desideratur, quod signum est fieri ex complacentia nostri, & sic ad Spem pertinet.

Objicies secundò: Beati habent hoc vinculum, & nos amant, ac desiderant nobis beatitudinem, & tamen ille actus non est Spei Theologicae, quam juxta Divum Thomam non habent, ergo desiderare vel sperare alii beatitudinem non est actus Spei Theologicae. Omissis aliis solutionibus respondet ex ijs dictis, abstrahendo

in praesenti an maneat in beatis habitus Spei necne, de quo postea. Dicendum itaque eos non habere actum sperandi elicitem ab hac virtute, quia hæc virtus, quæcumque desiderat distincta a beatitudine subjecti in quo est, ea desiderat & sperat ex desiderio & Spe beatitudinis propriæ, quæ in omni actu est ratio formalis, neque alio modo potest quisquam aliquid sperare: unde cum beati jam habeant beatitudinem, nihil sperare possunt per hanc virtutem, quæ quidquid respicit, respicit in ordine ad beatitudinem propriam.

DISPUTATIO TRIGESIMA.

De actibus Spei.

POST explicatum objectum, tum materiale, tum formale Spei, restat juxta ordinem à nobis in principio positum, ut de actibus ejus agamus, quod in hac Disputatione faciemus, in qua eandem fere methodum servabimus, quam in materia de Fide, suppositis tamen nonnullis, quæ ibi sunt abunde declarata.

SECTIO PRIMA.

An actus Spei ad appetitum, & partem ejus irascibilem pertineant?

I.
Alius Spei
pertinet,
non ad ap-
petitum sen-
suum, sed
rationalem.



RIMA Conclusio: Actus Spei essentialiter est actus elicitus à voluntate; ita quæst. sequenti Divus Thomas cum communi Theolog. Probatur ratione D. Thomæ, quia objectum Spei, ut vidimus, spectat ad appetitum,

tum sic, illud bonum est spirituale & honestum; utpote ad beatitudinem ordinatum, cuius non est capax appetitus sensitivus; ergo ad rationalem tantum appetitum, qui est voluntas, pertinebit actus Spei, de quo est sermo. Confirmatur ex definitione Spei, quæ vel essentialiter est desiderium, vel illud includit, ut postea dicetur, sed desiderium est actus voluntatis; ergo, major patet, cum enim sit actus amoris circa bonum tantum futurum non potest non esse desiderium; hoc enim nihil aliud est quam amor boni futuri, quamvis aliquid supra desiderium addat.

Secundus